

82
DEO OPTIMO MAX.

UNI ET TRINO,

VIRGINI DEI-PARÆ, ET S. LUCE

Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS,

manè discutienda, in Scholis Medicorum, die Martis decimâ-nonâ
mensis Martii, anno Domini M. DCC. LXV.

M. LUDOVICO-PETRO-FELICE-RENATO LE THIEULLIER,
Regis Consiliario & in Majori-Consilio, necnon in Magnâ Regiâ
Domûs & Franciæ Præfectura Medico ordinario, Præside.

An sanitati noceat frequens Exspitio?



EDICINÆ practicæ pars non infima Hygiene, cujus ob-
jectum quidquid sanitatem tueri, morbos præcavere, corpus-
que ad longævitatē disponere valet. Non igitur solummodo
aëris, cibi & potûs, motûs & quietis, somni & vigiliæ, atque
animi affectuum moderatio ac regimen ad eam pertinent,
verum etiam excernendorum retentio, & retinendorum ex-
cretio ipsi veniunt præcavendæ. Scilicet inter humores diver-
fos qui à sanguine tanquam à fonte communi per diversa incernicula, sive gland-
ulas veras sive poros simplices, segregantur ac fecernuntur, aliâ certis usus
vel individui conservandi vel sobolis propagandæ à beneficâ Naturâ destinantur,
& appellantur *Recrementitii*; alii verò à Recrementorum elaboratione residui,
assimilationem cum liquidis humanis pati indociles, tanquam inutiles imò noxii
amandantur foràs & *Excrementitii* dicuntur; alii tandem, quasi mixtæ indolis,
non immediatè quidem ad actiones naturales conferunt ut recrementa, nec
aliunde perpetuò inutiles & noxios sese exhibent ut excrementa, sed partibus
inungendis, lubricandis & ab excrementorum acrimoniâ defendendis inserviunt
nec unquam nocent nisi fortè qualitate peccent vel copîâ. Qui quidem humores
(malè à quibusdam inter recrementitios, pejùs à nonnullis inter excrementitios
recensiti, melius fortasse *Lubricantes* proprio nomine appellandi) quandoque
intrâ corpus retineri, quandoque à corpore eliminari possunt imò debent salvâ
œconomîâ animali. At verò non idem de Recrementis & Excrementis ita proprie
dictis affirmari potest. Quantum enim horum retentio sanitati noceret, tantum
illorum excretio nimia foret insalubris. In hanc Regulam non frequentius pec-
catur quàm dum sive pravâ consuetudine, sive ignorantia & errore, ferè inde-
scenter exspititur. Tunc enim foràs ejicitur humor blandus & utilis quo non sa-
lubrior alter in toto corpore, saliva nempe, quæ si deglutiretur & sanguini rursus
miseretur, melior fieret ac melior, quâ verò deficiente innumera oriuntur mala.

PLURIMI hospitantur in humano corpore humores quorum ignoratur
natura imò existentia ambigitur, vel quia ob tenuitatem nimiam oculos

* Autore M. SAVARY, D. M. P.

fugiant, vel quia difficile est admodum illos in animalibus vivis ex ipso fonte sinceros haurire, & sufficienti copiâ colligere explorandos. Anatomici qui hactenus in detegendis corporis partibus solidis multum nec sine fructu infudarunt de fluidis fere siluere quasi his non æquè ac prioribus staret œconomia animalis. Chemia cuius objectum est varias entium naturalium proprietates indagare, plurima de Regno fossili, pauciora de vegetabili, paucissima de animalibus hucusque suppeditavit. Adeò ut vix quidquam de humoribus tum sanis tum morbosus nobis constet, nedum œconomiae animalis doctrina perfectionis culmen, ut quidam autumant, attigerit. Attamen hoc vitium in salivam non cadit, cuius utique ea est scaturigo, eaque copia & colligendi facilitas, ut de ipsius natura & usu, tum ex qualitatibus nativis & phaenomenis quæ absque ignis torturâ exhibet, tum ex Analyfi Chemicâ, ritè exploratis aliquid certi statuere possimus unde praesentis humoris illius utilitas absentis noxa inferatur. Secernitur quidem à sanguine puro, arterioso, multis variisque glandulis quas communi nomine *Siomaticas* Steno appellavit, quarum quidem naturam, fabricam & situm docet Anatomie) nimirum parotides, maxillares, sublinguales, buccales, palatinas & tonsillares, ex quibus per plures ductus secretorios in oris cavum undique confluit, copiosius autem inter manducandum & loquendum. Quod attinet ad qualitates nativas salivæ, 1°. Diluta & pellucida est, odoris & saporis fere prorsus expers. 2°. Igne non concrefcit, ut de lympha constat, sed candenti laminâ metallicâ imposita tota evanescit. 3°. Conquassata tenaciter spumescit. 4°. Vestium maculas abstergit saponis instar, ulcera mundat, tumores resolvit. 5°. Farinae fermentationem promovet, ut patet ex more vetularum Indiae edentularum orizam & Maiz manducantium, dein succum cum salivâ mistum expuentium in vasa, ut inde fermentatione paulatim conceptâ parentur potus inebriantes hisce gentibus acceptissimi. 6°. Tamen nimiam substantiarum animalium ad putrefactionem, vegetabilium ad acescentiam dispositionem reprimere ac moderari videtur juxta Clariss. *Pringle* * experimenta. 7°. Tandem dum ore plane siccò deficit saliva nullomodo sentiuntur sapor, licet sapidissima corpora linguae & palato applicentur; dum vitiatum, injucundè gustum afficiunt. Si autem saliva distillationi secundum artem subijciatur, suppeditat. 1°. Liqueores varios phlegmatico-salinos qui tincturae florum malvae virorem communicant & cum spiritibus acidis effervescunt. 2°. Olei Empyreumatici & alkalibus saturati guttas aliquot. 3°. Ex massâ residuâ, calcinando & elixiviando aliquantula salis alkalini fixi quantitas educitur. 4°. Paucissima remanet terra Damnata Chemicis dicta. Ex his itaque non difficili negotio concludere est salivam esse humorem blandum ex copioso phlegmate, multo sale alkalino volatili * aqueis partibus tamen dilutiore quàm ut organa sensuum afficiat, aliquantulo oleo sive sulphure Physiologis dicto & paucò sale alkalino simul in saponem coactis, tandemque terrâ paucissimâ compositum; adeoque genuinum ipsius usum esse non modo vias deglutitionis lubricare, quod potius verum est de tonsillarum & uvulae muco, sed vehiculum præbere saporibus solvendo alimentorum sales, ac potissimum alimenta duriora & sicciora jam manducatione contrita penetrare, enollire, humectare, dissolvere, primarum viarum digestionem inchoare, ingesta ad assimilationem in naturam nostram disponere, atque ipsis primum quasi animalitatis sigillum imprimere.

I I I.

PRINCIPEM ergo inter humores Recrementitios locum tenet saliva, pro praesertim titulo quòd Digestioni opituletur, ut satis superque evincitur tum illius humoris qualitas, copia, secretionis locus, tum fontium ex quibus

* Vid. *Mém.* p. 101.
sur les substances
septiques.

* Sal ille volatilis sese manifestat odore urinoso dum linguae applicatur sal alkalinus, fixus cujus actione resolvitur saliva

manat numerus, situs vicinia. Porro humor Recrementitius alimentorum coctioni intervens nuncquam potest sine noxâ rejici, inò quot & quanta ex frequenti illius exspuione oriri debeant incommoda veras œconomîæ animalis leges callentè patefcit. Non enim jam per Digestionem intelligitur sola ex ingestis per tritum simplicem Chyli extractio, qualis secundum artem ex mucilaginosi seminibus extrahitur emulsiò. Id figmenti evertit ex multiplici alimentorum adeò inter se discrepantium naturâ unus & idem semper nascens chylus, ac requirit potius actionem humorum solventium ex ipsâ sanguinis mafsâ per coctiones præcedentes paratorum, & assiduâ elaboratione secretorum, variorum fortasse in variis animalium speciebus, quorum ea sit energia ut tam diversas ingestorum substantias inter se miscere, & cum corpore nutriendo jam assimilare, earum odorem & saporem mutare, motum intestinum in iis excitare, inchoare fermentationem, putrefactionem retardare, salina solvere, oleosa cum aquosis miscere, & ex iis tandem humorem blandum, uniformem, per lacteorum oscula meabilem, cum lymphâ & sanguine miscibilem parare possint. Atqui ex antecessis patet salivam ad eos omnes effectus præstantissimos symbolum primariò conferre tum vi saponeâ quæ ex oleo & sale alkalino exsurgit, tum aquâ & spiritibus quibus etiam constat, tum denique perfectâ ipsius coctione & crudâ assimilandi virtute singulari quam resorptione in sanguinem & iteratis circulationibus acquirit. Deficiente igitur salivâ, non solum pauciori quantitate ex ingestis educitur chylus, sed etiam paratur deterior; siquidem observatum est * panem nigrum, si subitò absque manducatione devoretur, & sine salivæ admistione, post aliquot horas nihil mutatum revomi, eundem verò, si dentibus probè subigatur, & cum salivâ intimè misceatur, in album liquorem abire chylo simillimum. Unde tritum illud animam suam odisse qui oderit masticationem. Chylus autem deterioris notæ difficulter admodum in sanguinem mutabitur, sed per urinæ vias maximam partem eluetur & amandabitur foràs, adeoque etiam vel nihil vel parùm lymphæ nutritiæ suppeditabit, necnon aliorum pariter quorumlibet Recrementorum, præsertim salivæ ipsiusmet, secretio perturbabitur, unde rursus eadem inò pejora redibunt incommoda. Quamvis enim iisdem quibus nutrimur constemus, debet tamen præparari in corpore materies nutrens ut assumiletur in naturam in naturam nostram, & restituere possit illa quæ per actionem ipsam vitæ disperduntur, siquidem non ingesta quælibet, sed digesta sola nutriunt. Læsa autem primâ coctione seu mutatione alimentorum in chylum, læduntur & aliæ, nimirum chyli in sanguinem transformatio, & sanguinis ipsius in lympham nutritiam toti corpori prospicientem aliaque recrementa partibus singularibus utilia mutatio, quæ est sane ultimus coctionis animalis terminus & finis.

I V.

QUOD jam de salivæ usu ac necessitate ratione evincimus, id quoque quotidiana comprobatur experientia. Sic dum in primis viis aguntur tragœdiæ, observamus eos qui frequentius spunt appetitu carere, fastidire cibos; difficulter ac ne vix quidem concoquere, flatibus obnoxios esse. Cum autem ulterius processit mali labes, tunc temporis, consumptâ per nimiam salivæ excretionem liquidiori materiâ, lentissima sit reliqua humorum massa, vix permeabilia fiunt vasa capillaria, impeditur circulatio in minimis viscerum præsertim abdominalium vasculis, morbus nascitur hypochondriacus, unde merito olim Hippocrates sputatores melancholicos esse aut fieri pronunciavit. Cujus quidem rei exempla quotidie nobis præbent ii quibus familiare est perpetuò mastichen vel tabacum mandere, aut etiam tabaci fumum ex fistulâ frequenter fugere. Hi enim, teste Experientiâ, corpus suum exhauriunt & in ano-

* Boerh. Praelect.
Acad. §. 78.

rexiam, maciem, sitim, tabem, melancholiam denique se præcipitant. Olim more fuit receptum inter aulicos Galliæ nostræ, ad exemplum Principis, ut pastillos ex mastiche aliisque medicamentis odoratis compositos continenter manducarent, unde ferè omnes in teterrimam atram bilem inciderunt, ex quâ non convaluere, nisi prius cognitâ mali causâ à mastichæ manducatione desinere iussi. Tandem non modò chylus, non modò sanguis, sed etiam lymphæ nutritiæ blando ac dulci balsamo ad restaurandas vires adeò necessario per hanc detestabilem spendi consuetudinem orbatur, & sensim corpus miserè tabescit. Unde Boerhaavius ait salivam exspuitione voluntariâ nimis secretam ἀπορροήν, δυσμελίαν, ἀτροφίαν creare. Narrat Ruyschius *, auctor gravissimus, puellam annos duodecim natam, quæ ob ingentem plagam in inferiori labro stillicidium perpetuum salivæ perpetiebatur, corpus habuisse diu tenellum & admodum exile, sanatam vero mox increvisse & justam corporis magnitudinem adeptam esse. Idem invisit matronam quandam Amstelædamentensem summo perè emaciatam & consumpti ferè corporis, quam deseruerant desperantes omnino de sanitate Medici. Dum circumspiceret ad omnia sedulus Medicus ut inquireret in causas mali, vidit fortè eam omni temporis momento in vas à latere appositum salivam exspuere. Vetuit illicò ne hunc benignum humorem eiceret. Quæ rerum mutatio! Brevi sanata fuit absque ope, sine necessitate alterius auxilii: nec semel id se vidisse ait, imò verè sæpenumero. Et sanè nemini inter attentos Medicos non contigit simile quid observare. Quam errant igitur, ut cum Ruyschio * dicam, qui salivam pro excremento noxio habentes, eam abiciunt, edque pulchrius valere putant hominem quò frequentibus eo corpus exonerat, cum in finem siatologa adhibentes & offas tenaces manducandas!

V.

N EC suadere debent exspuitionem casus nonnulli in quibus proritur salivæ uberior excretio, v. g. in lue venereâ, in cachexiâ. In hac enim non tam vera saliva ejicitur quam aqua inutilis & redundans ad quam eliminandam commendantur masticatoria; in illâ autem id quod salivatione Mercuriali effluit est liquamen putridum è sanguine liquefacto exulans à salivæ naturâ alienum. Neque etiam salivæ inutilitatem arguere debet critica per glandulas salivarias evacuatio in variolis & quibusdam aliis morbis exorta: hæc enim viâ tunc liberatur corpus noxia perpirationis insensibilis materiâ, quæ crustâ cutem tegente intra sanguinis rivos repulsa est. Nec tandem cum excreatione confundenda perperam exspuitio. Hæc enim est puræ putæ salivæ excretio, illa autem est viscosi muci à salivâ dissimilis ex asperâ arteria, bronchiis, imò tonsillis cum quodam conatu rejectio, quæ quidem sæpius, præsertim matutino tempore, utilis est ac necessaria, dum scilicet ille mucus copia vel spissitudine peccans, partium lubricationi jam ineptus, mox duntaxat & stagnatione excrementitius fit & exsiccandus. Saliva autem, quantâlibet copiâ secernatur in os, nunquam tamen excrementi nomen venit, sed Naturâ per somnum monstrante viam semper deglutienda. Deglutita enim, & sanguini iterum atque iterum atque iterum mista, repetitâ quasi cohobatione optima fit & in menstruum perfectissimum elaboratur.

Ergo sanitati nocet frequens exspuitio.

Proponēbat Parisiis PAULUS-GABRIEL LE PREUX, Parisinus, Saluberrimæ Facultatis Medicinæ Parisiensis Baccalaureus. A. R. S. H. 1765.

A SEXTA AD MERIDIEM.